



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Benedictus Redivivus Hoc est: Benedictinij Ordinis
Vetustißimi Amplißimique, Nostra, ac supera ætate
Jmmarcescibilis Vigor, ac Viror**

Bucelin, Gabriel

[Veldkirch], Anno Christi. M.DC.LXXIX.

Iesu Christi Annus. M.DC.LIV. Sancti Patris Benedicti. M.C.LXXIV.

urn:nbn:de:hbz:466:1-38498

adnotans juxta, quanti referret, Principes & Præfules, si bene præesse velent, omnibus rebus & negotijs ipsofmet adesse, nec alienæ curæ nimium fidere. Decessit 18. Novembris magno sui relicto desiderio.

IESU CHRISTI ANNUS. M. DC. LIV.
Sancti Patris Benedicti. M. C. LXXIV.

Perpetuus
Ven Sacra-
menti cul-
tus apud
nostras.

MAjore quam ante annū solemnitate, perpetuum nunc Sanctissimi Sacramenti Cultum apud nostri Ordinis Virgines instituit Anna Maria Hispana Philippi III. filia, Quarti soror, Christianissima Galliarum Regina, Ludovici XIII. conjux lectissima, mater ejus qui hodie Regno Nobilissimo & amplissimo imperat, Ludovici XIV. interfuit; Ipsa celebri omnino pompa Festo Magni Ecclesie Doctoris Gregorij, quod in feriam V. sacram aliàs Venerabili Sacramento incidit: Officio coram ipsa solemnissimo decantato, & novi Instituti Regulis & causis, per R. P. Domnum Placidū Rousselium pro palatis. Duæ autem potissimum Institutionis istius Cultus causæ assignantur; quarum prima est, ut singularis Cultus exhibeatur Christo, qui semetipsum in hoc sacro Mysterio exinanivit. Altera, ut irreverentiæ, injuriæ, & blasphemie ab impijs & sacrilegis hujus venerandi Sacramenti hostibus factæ, perpetuo reparentur. Sanctimoniales hujus Instituti Augustissimum illud Sacramentū perpetuo adorant. Huic diu noctuque fune ad collum alligato, cereo in manu accenso, trementes assistunt; seque tanquam victimas pro injurijs huic Divino Amoris Mysterio, præsertim ab Hæreticis illatis offerunt & immolant. Virtutes præcipuæ istius Instituti sunt, solitudo, vita abscondita, profunda Humilitas, sui abnegatio, mors ipsa actualis, ut Virgines istæ humilem Christum, despectum, derelictum, oblatum Deo Patri, morientem in Cruce sequantur, & imitentur. Totum est sanè Virginū illarum studium conformes fieri imaginis Jesu Christi; qui cum in hoc Sacramento sit pretium Redemptionis nostræ, & victima læsæ Divini Numinis Justitiæ satisfaciens; illæ etiam hæc munera æmulantur, peccatores à flagitijs redimunt, Christum iratum blasphemijs impiorum, placant; ac tandè sicut Christus mortuus est, pro peccatis

Intensio
Instituti.

Conformi-
tas cum
Crucifixo.

nostris, factus victima DEO suo Patri, illæ etiam pro sacrilegijs, huic adorando Eucharistiæ Sacramento illatis, se tanquā victimas Christo offerunt, quin etiam dissolvi & mori cupiunt. Pergit sæpe allegatus scriptor; Notandū præfertim, inquit, in hac devotissima & saluberrima Institutione, nihil esse, quod impediatur, quo minus illæ Sanctimoniales Benedictinæ sui Patris Magistrā sequantur Regulam, quin imo tanta est hujus Institutionis, & Regulæ Sanctissimi Monachorum Patris & Ducis BENEDICTI conformitas & similitudo, ut quas hæc præscribit Virtutes, ista jubeat penitus observandas, &c. Incredibile penè dictū quantus se paulo post fructus in religiosissimis cæteroquin sacris hisce Virginibus, ab hujus Instituti usu prodiderit, talis omnino, qualem in sese ipsa quævis, multo autè magis in collegis mirari satis non poterant, & animadvertent exteri quivis foemina ac viri sæculares, ita ut nemo non Sanctissimi Sacramenti efficacissimam in ipsdem operationem, manifestissimis deprehenderet signis, devotione quotidie apud eas crescente; ita ut ægre admodum à contuitu tantæ Sacramenti avellerentur, mirificè traherentur, mirabilique quodam astu amoris castissimi & vehementissimi, ad omnium Virtutum studia accenderentur, Regina Anna tantopere ad easdem affecta, quasi utero suo omnes edidisset, quas etiam filiarum nomine dignabatur. Ex R. P. Amando Tribut, &c.

Eligitur hoc anno summo totius amplissimæ Congregationis Bursfeldensis plausu & gratulatione Generalis ejusdem Præses Reverendissimus & Illustrissimus Dominus Dn. Henricus Ducker Abbas celeberrimorum Sacri Romani Imperij Monasteriorum, S. Ludgeri Werthinensis & Helmstadiensis, Monastica disciplina promotor ferventissimus, Præsul planè incomparabilis omni virtutū genere cultissimus, sumæ apud sumos æque & infimos, pro egregia vitæ integritate auctoritatis, qui & suum Cænobium & Ordinem universum insigniter demeruit, cujus unius laudes peculiarem tractatum mererentur, & revera hoc ipso tempore, adeo totā Germaniā Ordo noster fronduit, floruit atque ejusmodi fructus edidit, ut vix ullum uspiam Monasteriū esset, P p è quo

SS. Regula
& Institu-
ti conformi-
tas.

Manifesta
signa Divi-
na Gratia.

Henricus
Ducker
Abb. Wer-
thin. &
Helmstadi.

Florens in
Germania
Ordo.

è quo se non & Dominorum Abbatū, & Religiosorum plurimorum, cum singularis eruditio proderet, tum sanctioris & perfectioris vitæ manifesta se signa proderent; omnia & merito ad B E N E D I C T I Patris & Patriarchæ in suis R E D I V I V I, DEIQUE in primis Optimi Maximi gloriam referenda.

*IESU CHRISTI ANNUS. M. DC. LV.
Sancti Patris Benedicti. M. C. LXXV.*

Obijt Antonius Roore Abbas Tornacensis

Magni occasu syderis luget hoc anno Belgium Reverendissimi & Religiosissimi viri Antonij Roore Abbatis S. Martini Tornacensis obitu, seu potius ad superos abitu tristissimū. Is Magni illius Abbatis Jacobi de Marquais, olim discipulus, magnarumque deinceps virtutum, pius amulus, imo idem deinceps quasi per omnia extitit, in quo nihil non sanctum & egregium effulsit. Fuit Disciplina Monastica & rei litteraria promotor singularis, suæque vitæ exemplo non tantum ad perfectionis studium plurimos invitavit, sed incitavit & utilissimè pertraxit, Præsul magnorum meritorum. Bibliothecam splendidam à fundamentis erexit, quam etiam innumeris penè libris adauxit. Devotionis studio deditissimus fuit, inq; meditatione & oratione totus sacris ignibus exarsit, ut flammescens igne charitas, non posset non ardore proximos accendere. Biennio ante obitum Coadjutorè sibi adjunxit, qui temporalia curaret, totum sese deinceps in Divina effundens, & ad mortem præparans, qua & feliciter hoc anno, in Vigilia Sancti Thomæ Apostoli decessit, sub quartam matutinam se lectulo proripiens, & in genua, procidens, ut cor suum in conspectu Domini inter ardentis preces effunderet, quas inter phlegmate oppressus quietissimè spiritum exhalavit, regiminis anno 33. *Ex Monumentis præfati Cænobij.*

Sanctissime inter preces genuflectens obijt.

Catharina Abbas Clusensis.

Nec minus inter sacras Deo Virgines nostras inferioris Germaniæ pia contentio & æmulatio inter Monasteria hoc ipso tempore viguit, cum quodvis alterum laudabilissimo sacri profectus studio superare satageret. Ex his felicissimæ recordationis Catharina Leing Abbatisa seu Marer amantissima S. Joannis Baptistæ Monasterij Clusensis exemplo cum omnibus esset, isto tantum

potuit, ut ad illud multa alia Cænobia se converterent & componerent; quam tamen hoc ipso etiam anno Optimum Numen ad præmia laborum sempiterna evocavit, uti & Agnetem S. Egidij Monasteriensis Urbis Abbatisam, è Dominis de Merveldt oriundam, cum inter magnas patriæ turbationes imperturbata, ipsa annos quadraginta, Monasterio suo utilissimè præstitisset; & admirabili rerum successu disciplinam monasticam prolataisset, ita ut inde sibi non solum plurima Monasteria exemplaria perfectioris vitæ expecterent, sed & Abbatisas postulare, uti Monasterium S. Gertrudis prope Osna burgum Barbarâ ab Hovel, Oisterholtanum Joannam de Davensperg, Sancti Vdalrici Paderbornense Sophiam de Wendt sibi assumptere. Obijt zelotissima hæc Agnes nostra hoc ipso anno ultima die Februarii, non magno sui apud suas solummodo relicto desiderio, sed apud diversorum Monasteriorum sacras Virgines, quæ ad ipsam tanquam communè omnium Matrem respexerant, haud minimo etiam fructu in ipsos etiam sæculares, ab egregio ejusdem vitæ exemplo redundante.

Agnes Abbat. S. Egidij Monasteriensis.

Exemplaria sibi petunt varia Monasteria.

Nec requirenda in tam manifesto Divini Spiritus, cui Sanctissimus Patriarcha Noster B E N E D I C T U S servivit, regimine, tantis nostræ ætate exemplis comprobato, in tam manifestè Numini devotis viris ac Viragibus, miracula, etsi nec ipsa quidam in hæc mundi senecta decissent. Cujusmodi hoc ipso etiam anno, tanto post obitum Reverendissimæ & Serenissimæ Antonietæ Aurelianensis Principis, præcipuè olim Calvariensium nostrarum Institutricis sese prodidit. Sed de hoc Calvariensium rerum sincerissimum, & Religiosissimū Scriptorem audiamus: *Multa, inquit, DEUS Optimus Maximus miranda meritis gratissima sibi famule operari dignatus est, quæ alio & prudenti sepulta silentio volunt dignæ humilissima parente modestissima Virgines, Divinæ Providentiæ, quæ mirabilis est in Sanctis suis, committentes ea palam facere, quæ sibi amplius ad gloriam & meritam commendationem cessura intellexerit. Id unum notum omnibus, quod pluribus fide dignissimis cognitum est, cupiunt. Videlicet*

Ven. Antonietta Pr. Aurelian. miracula à morte claret.